

14. marts 2014

UPA 2014/121  
Evelyn Fredriksen

**Uunga siunnersuut: Akileraaruserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisaat nr. xx, xx 2014-imeersoq.  
(Aningaasaqarnermut Nunamullu Namminermut Naalakkersuisoq)**

Siumumiit inatsisitingut naleqqusaajuarnissaq pingaartutut isigaarput aamma akileraarutigut ingerlatsinermi.

Pisussaafinnik eqqortitsisannginnerup aamma kingunerisarpaa allaffissornikkut suliaqarnerulerneq, tamannalu aningaasartuuteqarnerunermik kinguneqartitsisarnera aamma inuiaqatigiinnut kinguneqartarpoq, taamaattumillu akileraaruserinermik ingerlatsineq pingaaruteqarluinnartoq Siumumi isumaqarpugut.

Akileraaruserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisaat 2014-meersoq Naalakkersuisut saqqummiuppaat.

Siunnersuuteqarnikkut allangortinneqassaaq akileraarutinut qaffaassutissaq kingusinaartumik nammineerluni nalunaarsuummik tunniusisoqartillugu, procent-iliilluni maannakkut qaffaasarneq allangortillugu, nammineerluni nalunaarsuifimmik nassiussinissamut piffissaliussap ullormik ataatsimik qaagerneqarneri tamaasa akileraarutissanut qaffaassutissap aalajangersimasumik 200 kr.-niunissaa, taamaattorli inunnut annerpaamik 2.000 kr.-niunissaa, aammalu namminersorlutik inuussutissarsiuutinik ingerlataqartunut annerpaamik 5.000 kr.-niunissaa siunnersuutaavoq.

Naalakkersuisut allanguutissanik saqqumiussaqaqarnerminni anigaasat pisortanut pisussaaffiit eqqortinneqarnissaannik anguniagaqarlutik saqqummiussaqaqarnerat Siumumiit taperserparput, taamatutaaq siunnersuutaavoq paasissutissanik paarlaasseqatigiissinnaaneq nunat sumiiffiillu allat Kalaallit Nunaata isumaqatigiissuteqarfigisai ilanngunneqassasut pingaarnertut siunertaralugu nunani allani anigaasanik pisuussutinik toqqorsinikkut akileraanngitsoorsinnaanerup pinaveersaartinnissaa, tamatumungalu akileraaruserinermik ingerlatsineq pillugu inatsimmi § 35-a-mik ilangussisoqarnissaa siunnersuutaalluni, tamatuma malitsigissallugu Naalakkersuisut allaffissornikkut malittarisassiorsinnaanermut piginnaatinneqalissallutik nunanik assigiinngitsunik akileraartarnermut paasissutissanik paarlaasseqatigiittalernissaq siunertaralugu, nunanik assigiinngitsunik isuma-

qatigiissutit tunulequtaralugit, Naalakkersuisut tamatumunnga qulakkeerinniniarnerat ilanngullungu taperseratsigu oqaatigissavarput.

Akileraruserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisaat taamatut oqaaseqarluta Siumumiit anigaasaqarnermut akileraartarnermullu ataatsimiititaliami aappassaaneerreqannginnermini suliarineqassasoq innersuupparput.